

Si₂ carta le₂ 'uig₅₄ a₂ ca₂ jmo₃ SAN JUAN

Jág₁ dse₃ jui₁lia'₂ 'a₂ lia'₂ le₃chan₂ dsa₂

¹ Jmo₂ jnia'₅₄ si₂ la₂ dsiang'₅₄ ne'₅₄ 'nia'₂, ja₁'ín₅ jnia'₅₄ i₂jme₁ma₂chan₂ lia'₂ con'₂ jme₁ca₂rě₃lióg₃ ca₂le₃jě₃ a₂cha₂, ja₁'ín₅ jnia'₅₄ jan₂ i₂qui₂ma₂né₁ jnia'₅₄ jág₁ quió'₅, ma₂ca₂né₄ jnia'₅₄ quian'₅₄ jme₁ne₁ guio₅₄, ma₂qui₂ma₂tí₄ jnia'₅₄ gu₂ quió'₅ ně₃. Tě₂le₃ quian'₅₄ jág₁ quió'₅ 'éi₂ bá₄ a₂le₃chan₂ dsa₂.

² I₂chan₂ 'éi₂ ně₃ ca₂jme₃jniai₂₃ 'ñiog₅ jě₄ quió'₅ dsa₂ mi₂güí₃. Jaun₂ jnia'₅₄ ně₃, ca₂né₄, jaun₂ jang'₂ jnia'₅₄ jág₁ dsau₅ quió'₅ 'éi₂. Qui₂'ě₅ jnia'₅₄ ja₁con'₂ 'nia'₂ 'a₂ lia'₂ le₃chan₂ dsa₂ co₂tan₅₄. Jme₁ma₂chain₂ bá₄ quiaín₅₄ Jmei₂, ton'₂ ma₂ca₂jme₃jniai₂₃ jě₄ quián₂ jnia'₅₄.

³ Jaun₂ 'ě₅ jnia'₅₄ jág₁ jui₁lia'₂ a₂ma₂ne₅₄ a₂ma₂né₁ ně₃, ia₁jaun₂ jme₁quiong'₅₄ 'nia'₂ jnia'₅₄ 'ei₅ caun₂ jág₁, jui₁lia'₂ jnia'₅₄ ně₃ 'ei₅ caun₂ jág₁ quian'₅₄ Diú₄ Jmei₂ jniog₄, quian'₅₄ Jesucristo Ja₁ñi'₅₄ ně₃.

⁴ Jaun₂ bá₄ lě₃ jmo₂ jnia'₅₄ si₂ la₂ dsiang'₅₄ ne'₅₄ 'nia'₂, jua'₂ jnia'₅₄ ca₂le₃jě₃ jág₁ la₂, ia₁jaun₂ rě₂'ñia₅ a₂'io'₂ jein₂ jniog₄.*

Diú₄ i₂lín₅ si₂

⁵ A₂la₂ bá₄ jág₁ dse₃ a₂ma₂ca₂guéi₁ jnia'₅₄ quió'₅, a₂'ě₄ táng₃ jnia'₅₄ ja₁con'₂ 'nia'₂: Lín₅ Diú₄ si₂; 'i₁caun₂ ja₁qui₁né'₃ tsá₃ cha₂ ja₁coin₂.

* **1:4** A₂lín₅₄ chog₅₄ si₂: “a₂'io'₂ jén'₂ 'nia'₂.”

6 Nē₁jua'₂ jua'₂ jniog₄ 'ei₅ caun₂ jág₁ quian'₅₄ Diú₄, la₁ nē₁jua'₂ i₂nio₄ guē'₂ jniog₄ jē₄ qui₁né'₃, jmo₂ jniog₄ tē₂jág₁; tsá₃ jui₅ dsau₅ chong₂.

7 La₁ nē₁jua'₂ qui₂i₂nio₄ jniog₄ ja₁jniá₂ si₂, ju_ilia'₂ 'en₅₄ 'éi₂ ja₁jniá₂ si₂, 'ei₅ caun₂ jág₁ quian'₅₄ rin'₅₄ jniog₄ le₂jau₂ le₂jau₂, jaun₂ jmi₄ Jesucristo Ja₁ŋi'₅₄ qui₂chéi₂ ca₂le₃jē₃ dsá_u₁ jniog₄.

8 Nē₁jua'₂ jua'₂ jniog₄ tsá₃ 'e₂ dso₄ le₁cáu'₄, jme₂gán₁ jniog₄ guio₅₄, tsá₃ tí₅ jág₁ quián₂.

9 La₁ nē₁jua'₂ jmo₂ jniog₄ jág₁ dsau₅ a₂rē₂cáu'₄ dso₄, rē₂tí'₅₄ bá₄ Diú₄, rē₂ bá₄ qui₂dsi₂₃ 'éi'₃, 'éin₂ bá₄ dso₄ quián₂ jniog₄, qui₃chéi₂ ca₂le₃jē₃ a₂'lig'₅₄.

10 La₁ nē₁jua'₂ jua'₂ jniog₄ tsá₃ 'e₂ dso₄ ma₂'nióg₁, jmo₂ jniog₄ co₂'nió'₄ tē₂jín₁ bá₄ Diú₄; tsá₃ 'i₄ jág₁ quió'₅ ja₁con₂ jniog₄.

2

Cristo bá₄ lín₅ i₂chén'₅ ne₄ jág₁ quián₂ jniog₄

1 'Nia'₂ chi'₂-guein₂ quiáng₃, jmo₅ jniá₂ si₂ la₂ ja₁juá'₅ ca₂le₃jē₃ ia₁jaun₂ tsá₃ ma₃'náu'₁ 'nia'₂ dso₄. Nē₁jua'₂ chan₂ i₂ca₂tán'₂ dso₄, chan₂ bá₄ jan₂ i₂chén'₅ ne₄ jág₁ quián₂ jniog₄ ne₄ Diú₄ Jmei₂. I₂'éi₂ lín₅ Jesucristo i₂dsen₃.

2 'Éi₂ bá₄ i₂ca₂ŋó₃ rē₂jen'₅₄ ne₄ Diú₄ 'uig'₅₄ dsá_u₁ jniog₄. On₃jua'₅₄ rē'₂ jmá'₃ 'uig'₅₄ dsá_u₁ jniog₄, 'uig'₅₄ dsá_u₁ ca₂le₃jín₃ dsa₂ mi₂güig'₃ bá₄ ján₃.

3 Nē₁jua'₂ jme₂tí₁ 'éi'₃ quió'₅ ně₃, jaun₂ le₂nē₅ bá₄ ne₄ a₂ma₂ca₂rē₃cuin₅ jniog₄.

4 La₁ nē₁jua'₂ chan₂ i₂juá'₂: “Cuín₅ jniá₂ Diú₄”, la₁ nē₁jua'₂ tsá₃ jme₂tí₃ guē'₂ 'éi'₃ quió'₅, i₂'éi₂ lín₅ dsa₂ tē₂jág₁, tsá₃ 'i₄ jág₁ tí₅ ja₁coin₂.

⁵ La₁ tē₂le₃ quió'₅ jui₁lia'₂ i₂jme₂ti₃ 'éi'₃ quió'₅ Diú₄, i₂'éi₂ guē'₂ dsón'₂ rē₂'ñia₅ a₂'nioi₃ Diú₄. Jaun₂ le₂nē₅ bá₄ ne₄ jniog₄ chong₂ a₂'ei₅ caun₂ jág₁ quaiin'₅₄.

⁶ Jui₁lia'₂ i₂juá'₂ téin₅ le₃quió'₅ Diú₄, 'nió'₅ i₃nioi₅₄ jui₁lia'₂ ca₂ñi₃ Jesucristo.

Caun₂ 'éi'₃ mí₂

⁷ 'Nia'₂ rin'₅₄ jniog₄ i₂'nióg₃, on₃jua'₅₄ 'éi'₃ 'mí₂ la₂ tó'₅ jniá₂ ne₄ si₂ juíg₂ 'nia'₂. A₂le₂jaun₂ bá₄ la₂ jui₁lia'₂ 'éi'₃ a₂jme₁ma₂cha₂ja₁con'₂ 'nia'₂ ca₂le₃jmíg₄ le₂'uig₅₄ jme₁ca₂rē₃'én'₂ 'nia'₂. 'Éi'₃ gui'₅₄ la₂ lē₅ jág₁ a₂ma₂nei'₂ 'nia'₂.

⁸ La₁ia₁ a₂tó'₅ jniá₂ ne₄ si₂ la₂ a₂tsíng₂ ne'₅₄ 'nia'₂, lē₅ co₂'nió'₄ caun₂ 'éi'₃ 'mí₂, a₂dsau₅ tē₃dsón'₂ quió'₅ Cristo, ján₃ guē₄ dsau₅ tē₂le₃ ja₁con'₂ 'nia'₂ ně₃. Ia₁ ma₂ca₂ñi₂ bá₄ jē₄ qui₁né'₃, ma₂tág₅ si₂ a₂dsau₅ tē₃dsón'₂.

⁹ Chi₂jua'₂ chan₂ i₂juá'₂ chain₂ ja₁jniá₂ si₂, la₁ ně₁jua'₂ 'ñia₅₄ bá₄ guē'₂ riin'₅₄ ně₃, i₂le₂'éi₂ 'ein₅₄ bá₄ guē₄ jē₄ qui₁né'₃.

¹⁰ La₂ i₂'nio₃ rin'₅₄ guē'₂ ně₃, tē₂'ñia₅₄ ja₁jniá₂ si₂, ton'₂ 'i₁caun₂ tsá₃ 'e₂cha₂jua'₅₄ jmo₃ a₂qui₃nióí'₃.

¹¹ La₁ i₂'ñia₅₄ rin'₅₄ guē'₂ ně₃, 'ein₅₄ jē₄ qui₁né'₃. Tsá₃ ñi₅ 'a₂ jui₅ dsó₃, ia₁ co₂'nió'₄ tein₅₄ bá₄ ñi₂₃ jē₄ nei₂.

¹² Tsín₂ jniá₂ si₂ la₂ ne'₅₄ 'nia'₂ i₂líng₅ chi'₂-guein₂ quiáng₃, ia₁ ma₂rē₂'én₄ bá₄ dsáu'₂ 'nia'₂, ma₂ca₂'én₂ bá₄ Diú₄ tē₂le₃ o₄quió'₄ Jesucristo.

¹³ 'Nia'₂ dsa₂ i₂chan₂ chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ca₂rē₃cuin'₂ bá₄ 'nia'₂ i₂jme₁ma₂chan₂ lia'₂ con'₂ jme₁ca₂rē₃liog₃ ca₂le₃jē₃.

'Nia'₂ dsa₂ chi'₂, tsíng₂ si₂ la₂ ne'₅₄ 'nia'₂ ia₁ ma₂ca₂tian'₃ bá₄ 'nia'₂ ne₄ quió'₅ i₂sě₃dsen₃.

'Nia'₂ guein₂ quiáng₃, jmo₅ jniá₂ si₂ la₂ tsíng₂ ja₁con'₂ 'nia'₂ ia₁ ma₂ca₂rě₃cuin'₂ 'nia'₂ Diú₄ Jmei₂ jniog₄.

14 'Nia'₂ dsa₂ i₂chan₂ chi'₂ quián₅, tsín₂ jniá₂ si₂ la₂ ne'₅₄ 'nia'₂ ia₁ ma₂ca₂rě₃cuin'₂ 'nia'₂ i₂jme₁ma₂chan₂ lia'₂ con'₂ jme₁ca₂rě₃lióg₃ ca₂le₃jě₃. Ján₃ bá₄ tsín₂ jniá₂ si₂ la₂ ne'₅₄ 'nia'₂ dsa₂ chi'₂, ia₁ 'uan'₂ bá₄ 'nia'₂, ia₁ jág₁ dse₃ quió'₅ Diú₄ ma'₂i₄ 'au'₂ 'nia'₂, ia₁ ma₂ca₂tian'₃ 'nia'₂ ne₄ quió'₅ i₂sě₃dsen₃.

15 Tsá₃ lě₁jmo₂ 'nia'₂ 'ín₅ 'au'₂ jua'₅₄ a₂le₃chang'₂ i₁niog'₄ jui₅ ja₁i₂nió₄ dsa₂ mi₂güí₃, on₃ guě'₂ jmó₁ 'nia'₂ 'ín₅ 'au'₂ 'e₂niog₅ cha₂ mi₂güí₃. Chi₂jua'₂ chan₂ i₂'ín₅ dsí₅ a₂jén'₅ mi₂güí₃, i₂le₂'éi₂ tsá₃ tē₃dsón'₂ 'nioi₃ Diú₄ Jmei₂.

16 Ia₁ ca₂le₃jě₃ a₂jén'₅ mi₂güí₃, ju₁lia'₂ ca₂le₃jě₃ a₂'lig'₅₄ a₂mi₅ ni₁ñi₁ dsa₂, a₂'ín₅ dsí₅ dsa₂ jmo₃ ca₂le₃jě₃ 'e₂niog₅ tē₅ jme₁ne₁₂, a₂jme₂rón₂ dsa₂ 'e₂niog₅ cha₂ quió'₅ tē₁lia'₂ chain₂: Ca₂le₃jě₃ a₂ně₅, on₃jua'₅₄ já₅ quió'₅ Diú₄ Jmei₂ jniog₄; a₂já₅ quió'₅ mi₂güí₃ bá₄ jaun₂.

17 La₁ a₂jě₁ca₂ñi₂ bá₄ mi₂güí₃, quian'₅₄ ca₂le₃jě₃ 'e₂'lig'₅₄ a₂'ín₅ dsí₅ dsa₂ chain₂ ne₄ gua'₅₄ 'uě₃. La₁ i₂jmo₅ a₂ñi₀₂ dsí₅ Diú₄, le₃chain₂ co₂tan₅₄.

Ju₁lia'₂ 'a₂lia'₂ lě₅ jág₁ dsau₅ dsón'₂, 'a₂lia'₂ lě₅ jág₁ tē₂jág₁ táng₃

18 'Nia'₂ chi'₂-guein₂ quiáng₃, jmig₄ jě₁ca₂tó'₂ bá₄ la₂ chong₂ jniog₄. Ma₂nei'₂ bá₄ 'nia'₂, já₅ jan₂ i₂'ñia₅₄ Cristo. Rě₂ně₃ ně₃, ju₁ñi₅ bá₄ i₂ma₂ca₂rě₃jniá₂ i₂'ñia₅₄

Cristo. Jaun₂ bá₄ lë₃ ne₄ jniog₄ a₂ja₂quián₃ jmig₄ jë₁ca₂tó'₂.

19 I₂ca₂'uin₂ jë₄ quián₂ jniog₄ bá₄ 'éi₂. Dsón'₂ bá₄ dsau₅, on₃jua'₅₄ i₂quián₂ jniog₄ 'éi₂, ia₁ jua'₅₄ mei'₂ guë₃ lín₅ i₂quián₂ jniog₄, jme₁jñia₃ bá₄ quiain'₅₄ jniog₄. La₁ le₂në₅ ca₂lë₃ ia₁jaun₂ le₃jniá₂, 'i₁jan₂ 'éi₂ tsá₃ lín₅ i₂quián₂ jniog₄.

20 La₁ 'nia'₂ në₃, ma₂ca₂guen'₅₄ bá₄ 'nia'₂ Jme₂dsí₂ Jñió₅, jaun₂ cuing'₂ bá₄ 'nia'₂ ca₂le₃jíng'₃* jág₁ tí₅.

21 Jaun₂ tsíng₂ si₂ la₂ ne'₅₄ 'nia'₂, on₃jua'₅₄ ia₁ a₂tsá₃ cuin'₂ 'nia'₂ jág₁ tí₅, tē₂le₃ ia₁ a₂cuin'₂ 'nia'₂. Jaun₂ ma₂le₁ñi'₅₄ bá₄ 'nia'₂, 'i₁caun₂ jág₁ tē₂jág₁ tsá₃ lé₂ le₃o₃'ag₅ jë₄ jág₁ dsau₅.

22 ¿'Ein₂ 'éi₂ i₂lín₅ tē₂jág₁? I₂'éi₂ bá₄ i₂juá'₂ a₂tsá₃ lín₅ Jesús I₂rē₂'ín₁ quián₅ Diú₄. 'Éi₂ bá₄ i₂ñia₅₄ Cristo, i₂tsá₃ jen₅₄ Diú₄ Jmei₂, on₃ guë'₂ Ja₁ñi'₅₄ në₃.

23 Ca₂le₃jín₃ i₂tsá₃ jen₅₄ Ja₁ñi'₅₄ Diú₄, ján₃ bá₄ le₂jaun₂ tsá₃ quiain'₅₄ Diú₄ Jmei₂. La₁ ju₁lia'₂ i₂jme₂jnia₅ jáng'₅ jág₁ dsau₅ tē₂le₃ quió'₅ Ja₁ñi'₅₄, ján₃ bá₄ le₂jaun₂ quiain'₅₄ Jmei₂ në₃.

24 Jaun₂ lë₃, 'ma₄ 'nia'₂ tē₂'au'₂ jág₁ dse₃ a₂ma₂nei'₂ 'nia'₂ le₂'uig₅₄. Ia₁ në₁jua'₂ ma₂tē₁'ñiá₄ tē₂'au'₂ 'nia'₂, jaun₂ tē₃'ñiá'₄ bá₄ 'nia'₂ ja₁con₂ Ja₁ñi'₅₄, quiain'₅₄ Jmei₂ në₃.

25 Jaun₂ a₂la₂ bá₄ jág₁ quió'₅ a₂ca₂cuë₃: A₂le₃chong₂ jniog₄ co₂tan₅₄.

26 Jaun₂ tsín₂ jniá₂ si₂ la₂ ne'₅₄ 'nia'₂ ja₁ 'íng₅ ju₁lia'₂ i₂'nio₃ jiog₃ cau₅.

27 La₁ quiain'₅₄ bá₄ 'nia'₂ Jme₂dsí₂ Jñió₅ i₂ma₂tē₁'ñiá₄ tē₂'au'₂ 'nia'₂ i₂ma₂cuin₃ Cristo. Jaun₂

* 2:20 o₃, "ca₂le₃jë₃."

tsá₃ ma₃i₂sián'₂ 'nió'₅ jme₃tag₅. La₁ jui₁të₂'ñiá'₄ bá₄ 'nia'₂ le₃quió'₅ 'éi, ia₁ 'ñiog₅ bá₄ Jme₂dsí₂ Jñió₅ jme₃tiin₂₃ 'nia'₂ ca₂le₃jě₃ con'₂ lě₅ jág₁ tí₅ dsón'₂, on₃jua'₅₄ jág₁ të₂jág₁.

28 Jaun₂ ně₃, 'nia'₂ chi'₂-guein₂ quiáng₃, jui₁të₂'ñiá'₄ bá₄ 'nia'₂ quiain'₅₄, ia₁jaun₂ caun₂ bá₄ le₁ág₄ dsi₅ jniog₄ jë₁ma₂tě₂ jmi₄ i₁jme₃jniai₂₃ táng₃. Tsá₃ 'nió'₅ jmó₁ jniog₄ gui'₅₄ ne₅₄ jë₁ma₂guáin'₅.

29 Chi₂jua'₂ ma₂ñi'₅₄ 'nia'₂, Cristo bá₄ i₂lín₅ i₂jmo₅ con'₂ dsi₂ten₅₄, jaun₂ jui₁le₂ñi'₅₄ bá₄ 'nia'₂ ján₃, ca₂le₃jín₃ i₂jmo₅ con'₂ dsi₂ten₅₄, lín₅ chi'₂-guein₂ quián₅ Diú₄.

3

Chi'₂-guein₂ quián₅ Diú₄

1 Jag₄ 'nia'₂ jaun₂, 'ñio₅ lín₃ 'nio₃ Diú₄ Jmei₂ jniog₄, juá'₂ dé₄ jmá'₃ tě₂ jniog₄ a₂lág₅ chi'₂-guein₂ quián₅. 'Uig₅₄ ně₅, dsa₂ mi₂güig₃ tsá₃ cui₂₃ jniog₄ ia₁ tsá₃ ma₂ca₂rě₃cui₂₃ Diú₄.

2 'Nia'₂ rin'₅₄ jniog₄ i₂'nióg₃, ma₂lág₅ jniog₄ chi'₂-guein₂ quián₅ Diú₄. O₁jñia'₅₄ la₂ tsá₃ ma₂ne₄ guě₄ jniog₄ 'a₂ lia'₂ léi₂ jë₁ca₂tó'₂, la₁ ne₄ jniog₄, jmi₄ jë₁ma₂tě₂ rë₁jme₃jnia₅ 'éi₂, léi₂ jniog₄ jui₁lia'₂ lín₅ 'ñiog₅, ia₁ néi₄ jniog₄ ton'₂ le₃cui₂₃ jniog₄ 'a₂ lia'₂ jniái₂.

3 Ca₂le₃jín₃ i₂'ín₂ dsí₅ jág₁ ně₅, jmo₂₃ le₁jě₃ të₂dsí₅, jui₁lia'₂ le₁jín₃ 'éi₂.

4 Dsa₂ i₂caun₂ 'no₅ dso₄, rë₂cáin'₄ 'Éi'₃ quió'₅ Diú₄. Ia₁ jui₁'ein₂ guě₃ i₂ca₂i₁juin₅₄ con'₂ lě₅ 'Éi'₃, dso₄ bá₄ jaun₂.

5 Ia₁ ma₂ŋi'⁵⁴ bá₄ 'nia'₂, ta₁ jaun₂ ca₂guan₃ dsa₂ i₂rē₂'ín₁ 'éi₂ quián₅ Diú₄, a₂qui₃'éin₂ dsáu₁ jniog₄. Ia₁ 'i₁caun₂ dso₄ tsá₃'e₂ ca₂rē₃cáin'₂ 'ŋiog₅.

6 Jaun₂ le₂nē₅, 'i₁jan₂ i₂chan₂ le₃quió'₅ 'éi₂ tsá₃ ma₃ŋi₂₃ jua'⁵⁴ caun₂ qui₂'no₂₃ guē₄ dso₄. La₁ ju₁lia'₂ i₂caun₂ i₂nio₄ 'no₅ dso₄ nē₃, tsá₃ ma₂ca₂jág₂, on₃ guē'₂ ma₂ca₂rē₃cuig₂₃ nē₃.

7 'Nia'₂ chi'₂-guein₂ quiáng₃, tsá₃ 'ein₂ ju₁jiog⁵⁴ cau₅ quián'₂ 'nia'₂. Ju₁lia'₂ i₂jmo₅ con'₂ dsi₂ten⁵⁴, dsein₃ bá₄, ju₁lia'₂ dsen₃ 'éi₂ 'ŋiog₅.

8 La₁ ju₁lia'₂ i₂caun₂ 'no₅ dso₄, i₂quián₅ i₂sē₃dsen₃ bá₄ 'éi₂, ia₁ i₂sē₃dsen₃ nē₃ ma₂já₅ 'no₂₃ dso₄ ca₂le₃ jme₁ca₂rē₃lióg₃ mi₂güig₃. La₁ Ja₁ŋi'⁵⁴ Diú₄ nē₃, ta₁ jaun₂ ca₂guain₃ a₂qui₂'éin₂ ta₁ quió'₅ i₂sē₃dsen₃.

9 'I₁jan₂ ju₁lia'₂ i₂ma₂ca₂rē₃chán₃ le₃quió'₅ Diú₄, jua'⁵⁴ caun₂ qui₂'no₂₃ guē₄ dso₄, ia₁ quion₂ quió'₅ Diú₄ Jmei₂. Jaun₂ tsá₃ ma₂lé₂ jua'⁵⁴ caun₂ 'no₃ guē₄ dso₄, ia₁ ma₂ca₂rē₃cháin₃ ma₂lín₅ guein₂ quián₅ Diú₄ bá₄.

10 Jaun₂ le₂nē₅ bá₄ lé₂ jióg'₂ 'í₁ 'ein₂ lín₅ i₂quián₅ Diú₄, 'ein₂ lín₅ i₂quián₅ i₂sē₃dsen₃ nē₃. Ia₁ ju₁'ein₂ guē₃ i₂tsá₃ dse₃ jmo₅, o₃ ju₁lia'₂ i₂tsá₃ 'nio₃ rín'⁵⁴, on₃jua'⁵⁴ chi'₂-guein₂ quián₅ Diú₄ 'éi₂.

Ju₁jme₁'nió₄ jniog₄ rín'⁵⁴ le₂jau₂ le₂jau₂

11 Jág₁ dse₃ a₂ma₂nei'₂ 'nia'₂ le₂'uig⁵⁴, a₂la₂ bá₄ jaun₂: a₂jme₁'nió₄ jniog₄ rín'⁵⁴ le₂jau₂ le₂jau₂.

12 Tsá₃ 'nió'₅ jmó₁ jniog₄ ju₁lia'₂ ca₂jmo₃ Caín i₂jme₁lín₄ i₂quián₅ i₂sē₃dsen₃, jaun₂ ca₂jŋii'₃ dsó₂ riin'⁵⁴. ¿'E₂ lē₃ ca₂jŋag'₃? Ia₁ a₂'lig'⁵⁴ bá₄ jme₁jmo₅-dsáu₅ 'éi₂ 'ŋiog₅; riin'⁵⁴ guē'₂ nē₃, a₂dse₃ bá₄ jme₁jmo₂₃.

13 Rin'₅₄ jniog₄, tsá₃ juí₁ dsi₂gó'₃ 'au'₂ 'nia'₂ nē₁jua'₂ 'iog₅₄ dsa₂ mi₂güí₃,

14 ia₁ ma₂ca₂ŋag₅ bá₄ jniog₄ ja₁jme₁dsióg₃; ma₂ca₂rē₃chóng₃ táng₃ jniog₄ jē₁le₃chong₂ co₂tan₅₄. Ne₄ jniog₄ a₂nē₅ ia₁ 'nio₃ bá₄ jniog₄ rin'₅₄. La₁ i₂tsá₃ 'nio₃ rin'₅₄, i₂caun₂ ŋi₅ 'lin₄ bá₄ 'éi₂.

15 Ca₂le₃jín₃ juí₁lia'₂ i₂'ŋia₅₄ rin'₅₄, i₂rē₂cán'₄ dso₄ co₂'nió'₄ i₂jme₂dsian₅ dsa₂ bá₄ 'éi₂. Ŋi'₅₄ bá₄ 'nia'₂ jaun₂, 'i₁jan₂ dsa₂ i₂jme₂dsian₅ dsa₂ tsá₃ 'i₄ jme₂dsí₂ a₂chain₂ co₂tan₅₄.

16 Le₂la₂ bá₄ ne₄ jniog₄ 'e₂ jaun₂ a₂'nio₃ dsa₂ rin'₅₄, ia₁ chan₂ jan₂ i₂ca₂guen₃ 'mú₃ o₄quián₂ jniog₄. Ján₃ bá₄ le₂jaun₂ ca₂tág₂ jniog₄ guén₄ 'mú₃ o₄quió'₄ rin'₅₄.

17 Juí₁lia'₂ i₂cha₂ quió'₅ ne₄ gua'₅₄ 'uē₃ la₂, nē₁jua'₂ chan₂ jan₂ rin'₅₄, i₂ŋi₅ 'in₂ quió'₅, nē₁jua'₂ tsá₃ ca₂dsia₃ guē'₂ ŋéi₂ dsí₅ ja₁coin₂, ¿'a₂ lia'₂ lé₂ le₃juá'₂ ma₂tē₁'ŋiá₄ tē₂dsí₅ a₂'nio₃ Diú₄?

18 'Nia'₂ guein₂ quiáng₃, on₃jua'₅₄ jmá'₃ quian'₅₄ jág₁ tio'₅₄ 'o₄ jniog₄ dsi₂ten₅₄ jua'₅₄ a₂'nio₃ jniog₄ rin'₅₄. A₂ca₂tág₂ jniog₄ jme₁'nió₄ tē₃dsón'₂ rin'₅₄, tē₂le₃ quian'₅₄ a₂léi₄ a₂qui₂rē₂jniá₂ 'e₂ a₂jmo₂ jniog₄.

'Ei₅ caun₂ dsi₅ jniog₄ tē₂le₃ quió'₅ Diú₄

19 Le₂nē₅ bá₄ ne₄ jniog₄ a₂téi₅ le₃quió'₅ juí₅ dsau₅, jaun₂ guē₄ le₃'éi₁ jniog₄ caun₂ dsi₅ ne₄ Diú₄.

20 La₁ nē₁jua'₂ cha₂ a₂qui₂dsi₂ŋi₅ dsi₅ jniog₄ a₂jme₂cáu'₂, Diú₄ bá₄ i₂lín₅ i₂juin'₂ guē₄ lia'₂ con'₂ guē₄ 'e₂ a₂qui₂dsi₂ŋi₅ dsi₅; 'éi₂ bá₄ ŋi₅ ca₂le₃jē₃.

21 Le₂nē₅ jaun₂ rin'₅₄ jniog₄ i₂'nió₃ guē₄ lín₃, chi₂jua'₂ lei₅₄ jniog₄ tē₂dsi₅ guio₅₄ tsá₃ 'e₂ rē₂cáu'₄, caun₂ bá₄ lé₂ le₃'éi₁ jniog₄ dsi₅ ne₄ Diú₄,

22 jaun₂ cuë₃ bá₄ 'éi₂ ca₂le₃jě₃ 'e₂ a₂mi₂, tē₂le₃ ia₁ jme₂tí₁ jniog₄ 'éi₃ quió₅, ton₂ 'ia₁ jmo₂ bá₄ jniog₄ ne₄ 'éi₂ a₂tē₅ dsí₅.

23 A₂la₂ bá₄ 'éi₃ quió₅: a₂le₃'éi₂ jniog₄ tē₂le₃ quió₅ Jesucristo Ja₁ñi₅₄, ton₂ ján₃ guë₂ jme₁'nió₄ jniog₄ rin₅₄ le₂jau₂ le₂jau₂. Con₂ nē₅ bá₄ lě₅ 'éi₃ quió₅ ca₂tság₃ jnia₅₄.

24 Ca₂le₃jín₃ i₂jme₂ti₃ 'éi₃ nē₅ nē₃, chain₂ le₃quió₅ 'éi₂; ján₃ guë₂ le₂jaun₂ 'éi₂ 'ñiog₅ chain₂ ja₁con₂ 'éi₂ nē₃. Le₂nē₅ bá₄ ne₄ jniog₄ a₂guá₅ 'éi₂ tē₂dsí₅ jniog₄: tē₂le₃ quian₅₄ Jme₂dsí₂ i₂ma₂cuin₃.

4

Jme₂dsí₂ quián₅ Diú₄ quian₅₄ jme₂dsí₂ i₂'ñia₅₄ Cristo

1 'Nia₂ guein₂ quiáng₃ i₂'nió₃ guë₄ lín₃, tsá₃ o₁len₂ 'nia₂ jua₅₄ ca₂le₃jín₃ i₂juá₂, jiog₅ Jme₂dsí₂ quián₅ Diú₄. Rē₂ de₂ quion₂ 'nia₂ 'í₁ quió₅, chi₂jua₂ tē₃dsón₂ lín₅ i₂quián₅ Diú₄. Ia₁ juin₅ dsa₂ ju₁gan₂ ma₂i₂nio₄ qui₂'ě₂ jág₁ mi₂güí₃ la₂.

2 Le₂la₂ bá₄ lé₂ le₃caun₅₄ 'nia₂ 'í₁ quió₅ i₂juá₂ jiog₅ Jme₂dsí₂ quián₅ Diú₄: ca₂le₃jín₃ jme₂dsí₂ i₂jmo₅ jág₁ a₂ca₂guan₃ Jesucristo chi₁dsáin₃ mi₂güí₃ la₂, i₂le₂'éi₂ bá₄ lín₅ i₂quián₅ Diú₄.

3 La₁ ju₁'ein₂ guë₃ jme₂dsí₂ i₂tsá₃ jmo₅ jág₁ le₂nē₅ 'in₂₃ Jesús, on₃jua₅₄ i₂quián₅ Diú₄ 'éi₂. I₂quián₅ i₂'ñia₅₄ Cristo bá₄ i₂le₂'éi₂, i₂ma₂nei₂ 'nia₂ jág₁ a₂jiá₃, i₂ma₂'en₅₄ mi₂güí₃ rē₂nē₃.

4 'Nia₂ chi₂'guein₂ quiáng₃, lín₅ bá₄ 'nia₂ i₂quián₅ Diú₄; ia₁ ma₂ca₂tian₃ bá₄ 'nia₂ dsa₂ i₂tē₂jín₁. Ia₁ i₂'uan₂ lín₃ guë₄ bá₄ Jme₂dsí₂ i₂quian₅₄ 'nia₂, lia₂ con₂ guë₄ i₂quian₅₄ dsa₂ mi₂güí₃.

5 Dsa₂ mi₂güí₃ bá₄ 'éi₂, jaun₂ jmá'₃ lia'₂ ca₂ne₅₄ a₂cha₂ mi₂güí₃ bá₄ jme₂tag₂₃. Jaun₂ lë₃ dsa₂ mi₂güí₃ ně₃ nag₂₃ jág₁ a₂jme₂tag₅ dsa₂ 'éi₂.

6 La₁ dsa₂ quián₅ Diú₄ bá₄ lág₅ jniog₄; jaun₂ lë₃, ju₁lia'₂ dsa₂ i₂cuin₅ Diú₄ ně₃, nag₂₃ jág₁ quián₂ jniog₄. La₁ dsa₂ i₂tsá₃ quián₅ Diú₄ ně₃, tsá₃ 'nio₃ nag₃ jág₁ quián₂ jniog₄. Jaun₂ le₂në₅ bá₄ rë₂cuin₅ jniog₄ ju₁lia'₂ i₂jniog₅ Jme₂dsí₂ quió'₅ jág₁ tí₅. Ján₃ guë'₂ le₂jaun₂ rë₂cuin₅ jniog₄ ju₁lia'₂ i₂jniog₅ jme₂dsí₂ i₂ju₁gan₂.

Diú₄ bá₄ i₂'nio₃ jniog₄

7 Rin'₅₄ jniog₄, ju₁jme'₁nió₄ jniog₄ rin'₅₄ le₂jau₂ le₂jau₂, ia₁ ja₁con₂ Diú₄ bá₄ já₅ a₂'nio₃ dsa₂ riin'₅₄. Ca₂le₃jín₃ i₂'nio₃ rin'₅₄ ca₂rë₃cháin₃ tē₂le₃ quió'₅ Diú₄, ton'₂ cuin₂₃ Diú₄.

8 I₂tsá₃ 'nio₃ rin'₅₄ ně₃, tsá₃ ma₂ca₂rë₃cuin₂₃ Diú₄, ia₁ Diú₄ lín₅ i₂'nio₃.

9 Ca₂jme₃jnia₅ Diú₄ a₂'nio₃ jniog₄ jme₁ca₂chein₃ Ja₁ñi'₅₄ i₂jan₂ tan₅₄ 'éi₂ mi₂güí₃ la₂.

10 Le₂la₂ bá₄ lë₅ a₂'nio₃ Diú₄: on₃jua'₅₄ a₂ma₂ca₂jme₁'nió₄ jniog₄ ja₁ma₂ja₂náu₅. 'Niog₅ bá₄ Diú₄ ca₂dsia₃ nē₂ dsí₅ ca₂rë₃'nio₃. Jaun₂ ca₂chein₃ Ja₁ñi'₅₄ ia₁jaun₂ 'éi₂ qui₃ a₂rag₂ jniog₄.

11 Rin'₅₄ jniog₄, chi₂jua'₂ le₂në₅ ca₂rë₃'nio₃ Diú₄, já₃ bá₄ le₂në₅ ca₂tág₂ jniog₄ jme₁'nió₄ rin'₅₄ le₂jau₂ le₂jau₂.

12 I₁jan₂ tsá₃ 'ein₂ ma₂jín₂ Diú₄. La₁ nē₁jua'₂ 'nio₃ jniog₄ rin'₅₄ le₂jau₂ le₂jau₂, guá₅ bá₄ Diú₄ tē₂dsi₅ jniog₄, ton'₂ qui₂rë₂'ñia₅ bá₄ tē₂dsi₅ a₂'nio₃ Diú₄.

13 Le₂nē₅ bá₄ jau'₂ 'í₁ a₂téi₅ jniog₄ tē₂le₃ quió'₅ Diú₄, ton'₂ 'ein₅₄ tē₂dsi₅ jniog₄ ně₃: ia₁ ma₂cuin₃ Jme₂dsi₂ quiain₅.

14 Jnia'₅₄ guio₅₄ ca₂néi₄, jaun₂ jang'₂ jnia'₅₄ jág₁ dsau₅ la₂: Diú₄ Jmei₂ ca₂chein₃ Ja₁ñi'₅₄ a₂ca₂o₃lio_{in}₅₄ dsa₂ mi₂güí₃.

15 Jui'₁ein₂ guě₃ i₂'in₅ Jesús, a₂lín₅ 'éi₂ Ja₁ñi'₅₄ Diú₄, quiain'₅₄ bá₄ Diú₄, ton'₂ guá₅ bá₄ Diú₄ quiong'₅₄ táng₃.

16 Le₂nē₅ ma₂ca₂rē₃ne₄, ma₂ca₂rē₃'éin₂ jniog₄ a₂'nio₃ Diú₄. Diú₄ lín₅ i₂'nio₃; jaun₂ i₂chan₂ 'nio₃ rin'₅₄ ně₃, chain₂ le₃quió'₅ Diú₄, ton'₂ chan₂ Diú₄ ja₁coin₂ ján₃.

17 Le₂nē₅ bá₄ rē₂'ñia₅ ja₁con₂ jniog₄ a₂jme₁'nió₄ jniog₄ rin'₅₄, ia₁jaun₂ jē₁ma₂ca₂tē₂ jmi₄ i₁qui₃dsi₅ Diú₄ 'éi'₃, lé₂ le₃'éi₁ jniog₄ caun₂ dsi₅. Ia₁ lág₅ jniog₄ chong₂ mi₂güí₃ la₂ lia'₂ lín₅ Jesucristo.

18 Jui₁lia'₂ jē₁'nio₃ dsa₂ rin'₅₄, tsá₃ 'e₂ gau₂ cha₂. La₁ jui₁lia'₂ jē₁'nio₃ dsa₂ rin'₅₄ lia'₂ rē₂'ñia₅, quian'₅₄ a₂nē₅ jñia'₅ a₂gó'₅ dsa₂. Ia₁ jui₁lia'₂ a₂gó'₅ dsa₂, caun₂ jmi₁uig₅ bá₄ jaun₂ rē₂'ě₄ ja₁coin₂. Ia₁ jui₁lia'₂ i₂gó'₅, tsá₃ ma₂ca₂rē₃'ñia₅ ja₁coin₂ 'a₂ lia'₂ jme₃'nio₃ rin'₅₄.

19 'Nio₃ jniog₄ Diú₄ ia₁ 'ñiog₅ de'₂ le₂'uig₅₄ ca₂rē₃'nio₃ jniog₄.

20 La₁ nē₁jua'₂ chan₂ i₂lín₅₄ juá'₂: “Nió₃ jniá₂ Diú₄”, la₁ nē₁jua'₂ 'ñiai₅₄ bá₄ guě'₂ rin'₅₄ ně₃, jan₂ dsa₂ tē₂jág₁ bá₄ 'éi₂. Ia₁ nē₁jua'₂ tsá₃ 'nio₃ dsa₂ rin'₅₄ i₂jín₂, ħ₂a₂ bá₄ lia'₂ lé₂ jme₃'nio₃ Diú₄ i₂tsá₃ ma₂jín₂?

21 'Niog₅ bá₄ Diú₄ ma₂cuě₃ 'éi'₃ la₂: I₂'nio₃ Diú₄, ca₂tín₂ jme₃'nio₃ rin'₅₄ ján₃.

5

Ca₂tián₃ jniog₄ ne₄ cosas 'lig'₅₄ a₂jén'₅ mi₂güig₃

1 Ca₂le₃jín₃ i₂én₂ a₂lín₅ Jesús tē₃dsón'₂ I₂rē₂'ín₁ quián₅ Diú₄, lín₅ chi'₂-guein₂ quián₅ Diú₄. Ju₁lia'₂ ja₁'nio₃ dsa₂ jan₂ dsa₂, ján₃ bá₄ 'nioi₃ chi'₂ quián₅ dsa₂ 'éi₂.

2 Le₂nē₅ bá₄ ne₄ jniog₄ 'a₂ lia'₂ jme₁'nió₄ chi'₂-guein₂ quián₅ Diú₄: chi₂jua'₂ dsón'₂ 'nió₃ jniog₄ Diú₄, ton'₂ jme₁tí₁ jniog₄ 'éi'₃ quió'₅.

3 A₂la₂ bá₄ a₂'nio₃ jniog₄ Diú₄, a₂jme₁tí₁ jniog₄ 'éi'₃ quió'₅ bá₄. 'Éi'₃ quió'₅ ně₃, on₃jua'₅₄ 'e₂ ŋ₄ guei₂.

4 Ia₁ ca₂le₃jín₃ i₂ma₂lín₅ chi'₂-guein₂ quián₅ Diú₄, lí'₂ ne₄ cosas a₂jén'₅ mi₂güig₃. Jaun₂ quian'₅₄ a₂'éin₂ bá₄ jniog₄, léi₂ ne₄ cosas a₂jén'₅ mi₂güig₃.

5 ¿'Ein₂ 'éi₂ i₂lí'₂ ne₄ cosas a₂jén'₅ mi₂güig₃? Jñia'₅₄ lia'₂ i₂'éi₂ bá₄ i₂én₂ a₂lín₅ Jesús Ja₁ñi'₅₄ Diú₄.

Jág₁ dsau₅ 'ein₂ 'éi₂ lín₅ Ja₁ñi'₅₄ Diú₄

6 Lia'₂ con'₂ jme₁guan₃ Jesucristo, ca₂jáng'₃ Diú₄ Jmei₂ jág₁ dsau₅ a₂lín₅ Jesús Ja₁ñi'₅₄ tē₃dsón'₂. Ia₁ ca₂cuē₃ léi₄ jme₁ca₂jñó₂ 'éi₂ jmig₂. Jaun₂ on₃jua'₅₄ jmá'₃ jme₁ca₂jñói₂ jmig₂ ca₂cuē₃ léi₄. Jme₁ca₂jon₃ Jesús, jme₁ca₂l₃'o₅₄ jmi₂ 'ain₅₄ ně₃, ca₂cuē₃ léi₄ táng₃. Quian'₅₄ le₃tin₃ léi₄ ně₅ ca₂jáng'₃ Jme₂dsí₂ quián₅ Diú₄ jág₁ dsau₅, ia₁ Jme₂dsí₂ 'éi₂ bá₄ i₂lín₅ jág₁ dsau₅.

7 Ún₂ i₂lín₅ i₂jáng'₅ jág₁ dsau₅ ně₅:

8 Jme₂dsí₂ Jñiós i₂jñia₄ jniog₄ tē₂dsí₅, Diú₄ Jmei₂ i₂ca₂cuē₃ léi₄ con'₂ jme₁ca₂jñó₂ Jesús jmig₂, 'ñiog₅

Jesús ně₃ ca₂cuē₃ léi₄ lia'₂ con'₂ jme₁ca₂join₃, ca₂i₃o₅₄ jmi₂ 'ain₅₄. Le₃ún₂ i₂ně₅ caun₂ bá₄ jág₁ lě₅ quió'₅.*

9 Guén₅ bá₄ jniog₄ jui₁lia'₂ 'e₂ caun₂ jág₁ dsau₅ jáng'₅ dsa₂ mi₂güí₃, la₁ 'ñio₅ lin₃ guě₄ quen₅ jág₁ dsau₅ a₂ca₂cuē₃ Diú₄ 'ñiog₅, ia₁ quian'₅₄ jág₁ dsau₅ a₂ca₂jáng'₃ jaun₂ ně₃, ca₂'ě₃ 'ein₂ lín₅ Ja₁ñi'₅₄.

10 I₂'én₂ tē₂le₃ quió'₅ Ja₁ñi'₅₄ Diú₄, 'i₄ jág₁ dsau₅ ně₅ tē₂dsí₅. I₂tsá₃ 'én₂ tē₂le₃ quió'₅ Diú₄ ně₃, jmo₂₃ dsí₅ co₂'nió'₄ tē₂jín₁ bá₄ Diú₄, ia₁ tsá₃ 'éin₂ jág₁ dsau₅ a₂ma₂cuē₃ Diú₄ tē₂le₃ quió'₅ Ja₁ñi'₅₄.

11 ¿'E₂ jaun₂ a₂ma₂juá'₂ Diú₄? Ma₂ca₂juá'₂ a₂ma₂cuē₃ jág₁ quió'₅ a₂le₃chong₂ jniog₄ co₂tan₅₄. Jaun₂ le₃chong₂ jniog₄ co₂tan₅₄ tē₂le₃ quian'₅₄ Ja₁ñi'₅₄.

12 Dsa₂ i₂quian'₅₄ Ja₁ñi'₅₄ Diú₄, jéin'₃ bá₄. La₁ jui₁lia'₂ i₂tsá₃ quian'₅₄ Ja₁ñi'₅₄ Diú₄, tsá₃ jéin'₃.

Toin'₂ jág₁ riin'₅₄ jě₁ca₂tó'₂

13 Jmo₅ jniá₂ si₂ la₂ tsíng₂ ne'₅₄ 'nia'₂ dsa₂ i₂'én₂ tē₂le₃ quió'₅ Ja₁ñi'₅₄ Diú₄, ia₁jaun₂ ñi'₅₄ 'nia'₂ chang'₂, a₂'i₄ tē₂'au'₂ jme₂dsí₂ a₂chang'₂ co₂tan₅₄.†

14 Caun₂ 'ei₅ dsí₅ jniog₄ chong₂ tē₂le₃ quió'₅ Diú₄, ia₁ ne₄ jniog₄ ně₁juá'₂ 'e₂ caun₂ a₂mi₂ jniog₄ lia'₂ con'₂ lě₅ 'ñio₂ dsí₅, nag₃ bá₄ jág₁ quián₂.

15 Chi₂juá'₂ ne₄ jniog₄, a₂nag₂₃ jág₁ a₂Chilein'₅₄ jniog₄, ne₄ bá₄ jniog₄ ján₃, ně₂jag₄ bá₄ a₂ma₂ně₂guéi₁ 'e₂ mi₂.

* 5:8 A₂lín₅₄ chog₅₄ si₂ a₂ca₂lě₃ cang₂ quian'₅₄ jág₁ jmei₅ latín, juá'₂ le₂la₂: “i₂jáng'₅ jág₁ dsau₅ ně₅ guei'₅₄ i₂juí₃: Diú₄ Jmei₂, Ja₁ñi'₅₄ i₂lín₅ jág₁ quió'₅, quian'₅₄ Jme₂dsí₂ Jñiós. Le₃ún₂ i₂ně₅ ca₂ne₅₄ bá₄ lín₅, Ján₃ bá₄ ún₂ i₂lín₅ i₂jáng'₅ jág₁ dsau₅ ne₄ gua'₅₄ 'uě₃.” † 5:13 A₂lín₅₄ chog₅₄ si₂ a₂ca₂lě₃ cang₂ guě₄, juá'₂ ján₃: “ton'₂ ia₁jaun₂ le₃'éng'₂ le₃quió'₅ Ja₁ñi'₅₄ Diú₄.”

16 Nē₁jua'₂ chan₂ i₂ca₂jín₂ rín'₅₄ 'no₂₃ dso₄, la₁ nē₁jua'₂ tsá₃ lě₅ dso₄ a₂jio₅g₅ jui₅'mú₃, 'nió'₅ mi₃ dsa₂ ne₄ Diú₄ ia₁jaun₂ jmo₃ Diú₄ a₂le₃chan₂ táng₃ dsa₂ 'éi₂; co₂'nió'₄ le₃jua'₅₄ dso₄ on₃jua'₅₄ a₂jio₅g₅ jui₅'mú₃. Ia₁ cha₂ dso₄ a₂jio₅g₅ jui₅'mú₃. Tsá₃ juá'₅ jniá₂ a₂'nió'₅ mi₃ dsa₂ o₄quió'₄ dsa₂ i₂'no₅ dso₄ le₂jaun₂.

17 Ca₂le₃jě₃ a₂'lig'₅₄, dso₄ bá₄ jaun₂. La₁ cha₂ dso₄ a₂tsá₃ jio₅g₅ jui₅'mú₃.

18 Ne₄ bá₄ jniog₄, ju₁lia'₂ i₂ca₂rě₃chán₃ le₃quió'₅ Diú₄, tsá₃ ma₂ñi₂₃ jua'₅₄ caun₂ qui₂'no₂₃ guě₄ dso₄; ia₁ Ja₁ñi'₅₄ Diú₄ bá₄ jmo₅ 'í₁,[‡] jaun₂ tsá₃ téi₂ i₂sě₃dsen₃ gu₂.

19 Jaun₂ ne₄ bá₄ jniog₄ a₂lág₅ dsa₂ quián₅ Diú₄; ton'₂ ne₄ bá₄ jniog₄ ján₃, a₂ma₂rě₂'i₄ bí₂ quió'₅ i₂sě₃dsen₃ ta₁caun₂ mi₂güig₃.

20 Ján₃ bá₄ ne₄ jniog₄, ta₁ jaun₂ ca₂guan₃ Ja₁ñi'₅₄ Diú₄ a₂jme₃tag₂₃ ia₁jaun₂ le₃ñág'₂ jniog₄ 'a₂ lia'₂ 'nió'₅ le₃cuin₅ jniog₄ i₂lín₅ tē₃dsón'₂. Jaun₂ chong₂ bá₄ jniog₄ 'ei₅ caun₂ jág₁ le₃quió'₅ i₂lín₅ tē₃dsón'₂, co₂'nió'₄ le₃jua'₅₄ le₃quió'₅ Jesucristo Ja₁ñi'₅₄ Diú₄. 'Éi₂ bá₄ lín₅ Diú₄ tē₃dsón'₂ i₂cuē₅ a₂le₃chan₂ dsa₂ co₂tan₅₄.

21 'Nia'₂ chi'₂-guein₂ quiáng₃, jmo₄ 'nia'₂ 'í₁ jaun₂ tsá₃ le₃gan'₂ 'nia'₂ quian'₅₄ diú₄ lag₄.

Co₂ně₅.

‡ 5:18 o₃, “ju₁lia'₂ i₂ca₂rě₃chán₃ le₃quió'₅ Diú₄, jmo₂₃ 'í₁ 'ñiog₅.”

Jag₁ 'mí₂ a₂ma₂li'₅₄ quian'₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 30 Dec 2021

5c52af9e-3086-5d57-9b7e-2e495fea8899